

SARS YI PHUTUMA 198.49 KG WA CRYSTAL METH LEYI PIMANYISIWEKE EKA R 2 MILIYONI

PRETORIA, Musumbhunuko ti 13 Mudyaxihi 2019 – Enkarhini wa tiawara ta mpundzu wa tolo, Vaofisiri va Khasitomo va Vukorhokeri bya Xibalo bya Afrika-Dzonga (SARS) va yimisile mufambi wa xisati loyi a ringeta ku ngungumerisa 198.49 kg ya crystal methamphetamine (meth), leyi pimanyisiweke eka R 2 miliyoni ku nghena eAfrika-Dzonga hi ku tirhisa ndzhawu yo nghena ya Beitbridge.

Mhangu yi humelerile loko mufambi wa xisati loyi a ri na tisutukhesi timbirhi ta mindzhwalo a komberiwile ku veka mindzhwalo ya yena endhawini yo Kambelo Mindzhwalo ya Khasitomo. Endzhaku ka nkambelo, swilo swo basa swa swiribyana leswi tumbetiweke eka swipaci swo tala swa muhlovohlovo na tipulasitiki swi kumekile, leswi a swi ri na swilo kombiseke leswaku i swidzidziharisi endzhaku ka swikambelwana.

Tinhundzu ti khomiwile no yisiwa eka Vukorhokeri bya Maphorisa bya Afrika-Dzonga (SAPS) ku hlaysiwa na vulavisisi ku ya emahlweni, naswona muehleketeleriwa u khomiwile.

Mindzavisiso yo sungula yi kombisile leswaku mufambi u hahile ku sukela entsungeni wa malwandle ku ya etikweni akelani, no ringeta ku nghena eAfrika-Dzonga hi bazi ku hundza hi le Beitbridge.

Maphorisa ya laha kaya ya yisile mhaka leyi eka Hawks ku lavisisiwa ku ya emahlweni. Muehleketeleriwa u languteriwile ku vonaka eKhoto ya Majisitarata ya Musina namuntlha.

Ntirho lowu humeleleke a ku ri mbuyelo wa ntirhisano lowu ya ka emahlweni exikarhi ka SARS na tiejensi ta nhlayiso wa nawu leti kumekaka endhawini yo nghena hi yona, leti tshamaka ti tinyiketerile ku sirhelela mindzilekani ya hina no fambisa vuxavisi lebyi nga enawini.

